

# Ժողովուրդ

13 փետրվարի հինգշաբթի 2025  
տպագրության ԺՂ տարի

17  
(3048)


Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## 783 ՀԱՉԱՐԻՑ 5000-ԵՆ ԵՆ ՀԱՅՏԱՐԱՐԱԳԻՐ ԼՐԱՑՐԵԼ



2024 թվականից մեկնարկել է ֆիզիկական անձանց եկամուտների համընդհանուր հայտարարագրման համակարգի երկրորդ փուլը, որի շրջանակում 2024 թվականի հաշվետու տարվա համար հայտարարագրերը ներկայացվում են մինչև 2025 թվականի նոյեմբերի 1-ը ներառյալ: Այս համակարգի շրջանակում հայտարարագիր է լրացրել 5 հազար 766 ֆիզիկական անձ, այս մասին «Ժողովուրդ» օրաթերթի հարցմանն ի պատասխան հայտնել են ՀՀ պետական եկամուտների կոմիտեից:

Հարցին, թե քանի անձ է մինչև այժմ ներկայացրել համընդհանուր հայտարարագիր, ՀՀ ՊԵԿ-ից պատասխանել են. «ՀՀ ՊԵԿ տեղեկատվական բազայում առկա տեղեկություններով՝ 10.02.2025 թվականի դրությամբ 2023 թվականի հաշվետու տարվա համար 59 հազար 052 ֆիզիկական անձ, իսկ 2024 թվականի հաշվետու տարվա համար 5 հազար 766 ֆիզիկական անձ ներկայացրել է եկամտային հարկի եւ սոցիալական վճարի հաշվարկ՝ հայտարարագիր: Հարկ է նշել, որ այս ցուցանիշները դինամիկ աճող են»,- ասված էր ՊԵԿ-ի պատասխանում: Նկատենք, որ ներդրված համընդհանուր հայտարարագրումն այնքան մեծ աղմուկ բարձրացրեց քաղաքացիների շրջանում, որ ոչ միայն քաղաքացիական ճնշման արդյունքում, այլ նաեւ համակարգում առկա հերթերի եւ համակարգի բացերի պատճառով իշխանությունները հայտարարագրման վերջնաժամկետը երկարեցրին մայիսի 1-ից մինչև նոյեմբերի 1-ը:

Հարցին, թե որն է եղել հայտարարագրեր ներկայացնելու ժամկետների երկարաձգման պատճառը, ՊԵԿ-ը պարզաբանել է, որ հայտարարագրերի ներկայացման ժամկետի երկարաձգման հարցը նույնականացման քարտ չունեցող քաղաքացիներին բավարար ժամանակ տրամադրելու համար է արվել: Այնինչ ահազանգերը, որ անձնագրայիններում անգամ ասեղ գցելու տեղ չկա, չեն դադարում: Սա այն դեպքում, երբ ներդրվել են միլիոններ՝ անձնագրայիններում հերթագրման համակարգեր ներդնելու համար, բայց խնդիրը, միեւնոյնն է, չի կարգավորվում: Նշենք նաեւ, որ այժմ հերթագրման ամենամոտ ժամկետը հունիս ամսին է: Հարկ է նշել, որ տարեվերջին վարչապետ Նիկոլ Փաշինյանը հայտարարեց, որ 2024 թվականի նոյեմբերի դրությամբ Հայաստանում գրանցվել է 782 հազար 832 աշխատատեղ: Ստացվում է՝ մոտ 783 հազար քաղաքացի պետք է հայտարարագիր ներկայացնի, սակայն 1.5 ամսում անգամ 5 տոկոսը հայտարարագիր չի ներկայացրել: Ասել է թե՛ ՀՀ քաղաքացիները բոլորտում են հայտարարագրի որոշման դեմ:

Այսօր լրացավ 1 ամիսը ԱԺ «Հայաստան» խմբակցության պատգամավոր Միեր Սահակյանի մահվան դեպքից, սակայն դեռ պարզ չէ, թե ինչ կատարվեց Միեր Սահակյանի հետ, ինչ հանգամանքներում նրա մեքենան հայտնվեց ճորի խորքում, ինչպես մահացավ: «Ժողովուրդ» օրաթերթը դիմել է ՀՀ քննչական կոմիտեի, որտեղից ի պատասխան հայտնեցին, որ նշանակված փորձաքննությունների մասով եզրակացությունները դեռ չեն ստացվել: Սա նշանակում է, որ 1 ամիս անց դեռ առեղծված է մնում պատգամավորի մահը: Ինչպես ավելի վաղ հայտնի էր դարձել, ՆԳՆ ՓԾ 911 ծառայությունն ահազանգ էր ստացվել, որ Երեւան-Երասխ-Մեղրի ավտոճանապարհի Տիգրանաշենի ոլորանների հատվածում ավտոմեքենա է ընկել ճորը, մոտ 350-400 մետր գլորվել է խորքում: Ավտոմեքենայի մեջ փրկարարները հայտնաբերել էին Ազգային ժողովի պատգամավոր, «Հայաստան» խմբակցության անդամ Միեր Սահակյանի մարմինը, ում նախորդ օրվանից որոնում էին: Պատգամավորի գործընկերները ArmLur.am-ի հետ զրույցում պատմել էին, որ Սահակյանը օդանավակայան էր գնացել, դիմավորել էր արտերկրից վերադարձած ծնողներին, տարել տուն, ապա դուրս եկել՝ ասելով, թե գործեր ունի: Դեպքից 1 ամիս անց կարելի էր հարցերը մնում են անպատասխան: Մ'ըր է գնացել Միեր Սահակյանը: Ո'ւմ հետ է եղել: Ինչո՞ւ է հասել Տիգրանաշենի ոլորաններ: Հարազատները նշում են՝ այդ տարածքներում ծանոթ-բարեկամ չունեն: Ո'ւմ հետ էր խոսել վերջին անգամ, ի՞նչ էր ասել: Կարո՞ղ էր ինչ-որ մեկը նրան այնտեղ հասցնել՝ վնասելու նպատակով: Հնարավոր է՝ որեւէ ԶՊ-ական կամ ԶՊ-ամերձ քննախնդրություն դրսեւորի, վրեժխնդիր լինի նրանից, որ ԱԺ պետական-իրավական հարցերի մշտական հանձնաժողովի նիստի ժամանակ՝ 2023 թվականի մարտի 31-ին, հարվածեց ԶՊ պատգամավոր Վլադիմիր Վարդանյանին: Ինչո՞ւ կա այս հարցը, որովհետեւ ԶՊ-ականները դաժան վրեժխնդիր եղան երիտասարդ Սամվել Վարդանյանից:



«Ժողովուրդ» օրաթերթը փետրվարի 5-ի համարում գրել էր, որ Ազգային ժողովի նախագահ Ալեն Սիմոնյանը ինքն իրեն 12 հոգու հետ գործուղել է Լյուքսեմբուրգ, ապա Բելգիա, եւ իր հետ տարել է ընդամենը 2 պատգամավորի. պատվիրակության մյուս անդամները Ազգային ժողովի նախագահի գրասենյակի ներկայացուցիչներն էին: Այս հրապարակման մեջ Ազգային ժողովի նախագահի թիմակիցներին խոցել էր հատկապես «Արդուկի գծով խորհրդական Աշխեն Հայրապետյան» ձեւակերպումը, որի առնչությամբ ստիպված եղանք առանձին հարցում ուղարկել:



Շարունակությունը՝ 3-րդ էջում ⇨ 3

Հիրակի մարզում միս արտադրողները եւ մսագործները փետրվարի 3-ին բողոքի ակցիա էին իրականացնում՝ դժգոհելով, որ Շիրակում սպանդանոց չկա, փոխարենը կա սպանդանոցում մորթ իրականացնելու Կառավարության հստակ որոշումը: Եթե շուկայում հայտնաբերվի ոչ սպանդանոցային ծագման միս, կամ կտուգանեն, կամ միսը կազգորավեն: Ծիրակցիները պետք է Արմավիրի մարզ հասնեն՝ մսամորթի համար: Երբ սպանդանոցային մորթի մասին էր խոսվում, վարչապետ Նիկոլ Փաշինյանը չէր էլ մտածել, որ այդ օրերը շրջանցող առաջին անձը հենց ինքն է լինելու: Բանն այն է, որ Նիկոլ Փաշինյանը դեկտեմբերի 29-ին «Ինտագրամում» տեսախոսք էր հրապարակել՝ «չխախտելով իջեւանական ավանդույթները»: «Ժողովուրդ» օրաթերթը Սևնդամթերթի անվտանգության տեսչական մարմին հարցում էր ուղարկել՝ պարզելու՝ արդյոք Նիկոլ Փաշինյանի խանձած խոզը սպանդանոցում էր մորթվել, թե ոչ: ՍԱՏՄ-ից ստացանք կառավարական ընտանիքին արդարացող պատասխան: «Համաձայն «Անասնաբուժության մասին» ՀՀ օրենքի 40-րդ հոդվածի՝ ոչ սպանդանոցային պայմաններում կենդանիների մորթը թույլատրվում է անձնական սպառման համար (այդ թվում կրոնական եւ այլ ընդունված ծիսակատարությունների դեպքում)», - ասված է «Ժողովուրդ» օրաթերթի հարցմանն ի պատասխան: Ստացվում է, որ Նիկոլ Փաշինյանի խանձած խոզը չի մորթվել սպանդանոցում: Այսինքն՝ Փաշինյանը օրենք է ընդունում ուրիշների այլ ոչ իր կամ իր ընտանիքի համար:



ՔԱՂԱՔԱԿԱՆ

ՄԱՐՈՒԹՅԱՆԸ ՄԱՆԻՊՈՒԼԱՑՆՈՒՄ Է

ԲՈՅԿՈՑԻ ԾԱՎԱԼՆԵՐԸ ՄԵԾ ՉԵՆ. ՊԱՏԳԱՄԱՎՈՐ

«Ժողովուրդ» օրաթերթը հանրային տրանսպարենտի քանակացման վերաբերյալ գրուցել է ԲԳ-ական դասգամավոր Լիլիթ Մինասյանի հետ:

-Տիկին Մինասյան, այս օրերին քննարկվում է տրանսպարենտի քանակացման հարցը. ընդդիմությունն ասում է, որ պետք է 100 դրամի սակագինը պահել, իսկ իշխանությունը պնդում է, որ պետք է դառնա 150 դրամ: Ձեր դիրքորոշումը ո՞րն է, ի՞նչ պետք է անել, որպեսզի հանրությունը չբողոքի, քանի որ տեսական ժամանակ է՝ քաղաքացիների մի մասը բոյկոտում ու չի վճարում:

-Ես կարծում եմ, որ բոյկոտի ծավալներն այդքան էլ մեծ չեն: Բնականաբար սոցիալական դժգոհություն է առաջանում, բայց քաղաքացիների մեծ մասը հասկանում է՝ քանի որ մենք տրանսպարենտի շարժակազմի մեծ փոփոխություն ենք արել, եւ հետագայում էլ ավելացնելու ենք շարժակազմը, որպեսզի ավելի արագ եւ քիչ ծանրաբեռնված երթևեկություն ապահովենք, լինեն կահավորված կանգառներ, ժամատախտակ, ապա այդ փոփոխությունների համար անհրաժեշտ է, որ լինի որոշակի գնային փոփոխություն:

-Դուք օգտվո՞ւմ եք տրանսպարենտից:

-Այս ընթացքում փորձել եմ օգտվել: Պիկ ժամերին բավականին բարդություններ կան, բայց մնացած ժամերին չեմ կարող համեմատել ներկայիս տրանսպարենտը այն տրանսպարենտի հետ, որի համար մենք վճարում էինք 100 դրամ եւ պայքարում էինք, որ չդառնա 150 դրամ:

-Նախկին տրանսպարենտի ի՞նչն էր վատ: Դուք ի՞նչ փոփոխություն եք նկատում:

-Դուք «Գազելներ» եւ ավտոբուսների միջեւ տարբերություն չե՞ք տեսնում: Կամ վարորդների տարբերությունը չե՞ք նկատում: Այն ժամանակ նրանք ծխելով, մարդկանց հետ ոչ բարեկիրթ խոսելով էին երթևեկում, իսկ հիմա արտահագուստով են: Տրանսպարենտում կան օդափոխության համակարգեր, կան Wi fi սարքեր, կան շատ այլ հարմարություններ: Իհարկե, ծանրաբեռնվածության խնդիր կա, բայց այդ խնդիրը լուծվելու է՝ նոր շարժակազմեր բերելով: Արդեն հայտարարվել է, որ քաղաքացիներին պատրաստվում է 270 ավտոբուս ձեռք բերել: Ինչքան տրանսպարենտի բարեփոխման խնդիրներն ավելանում



են, այնքան էլ բնակչությունն է աճում, ավտոմեքենաներն են ավելանում, հետեւաբար՝ նաեւ խցանումները: Դրա համար պետք են նոր լուծումներ, որի համար քաղաքացիներին լուծում է տալիս. ավտոբուսների համար հատուկ գծեր են ստեղծվել, որպեսզի ավտոբուսներից օգտվողների համար ավելի հարմարավետ լինի, քան մեքենաներից օգտվողների համար:

-Դուք պնդում եք, որ ձեր իշխանության շնորհիվ է տեղի ունեցել ավտոբուսների բարեփոխման գործընթացը: Իսկ, օրինակ, Երեւանի նախկին քաղաքացիները Յայլ Մարությանն էլ պնդում է, որ իր պաշտոնավարման ժամանակ արդեն գնված են եղել այդ ավտոբուսները:

-Յայլ Մարությանի պաշտոնավարման ժամանակ եղել են Zhong Tong ավտոբուսները, իսկ Յայլ Մարությանը, ցավոք սրտի, եղել է մեր քաղաքական թիմի անդամ: Այսինքն՝ նորից մեր իշխանության օրոք է տեղի ունեցել այդ փոփոխությունը, ոչ թե Յայլ Մարությանի անձնական շնորհիվ է դա:

-Տիկին Մինասյան, նա նկատի ունի, որ այս իշխանությունների շնորհիվ չէ, եւ

իր շնորհիվ է եղել, ուղղակի իրականացվել է Տիգրան Ավինյանի գալուց հետո, այսինքն՝ Ավինյանի պաշտոնավարման ժամանակահատվածից սկսել է շահագործվել:

-Ո՛չ, պարոն Մարությանը մանիպուլացում է. նա ընդամենը մի որոշ շարժակազմ է պատվիրել, որից հետո Man ավտոբուսների մասին միայն պարոն Ավինյանն է խոսել:

-Քաղաքացիները կան չեն վճարում, կան 100 դրամ են վճարում, Ձեր կարծիքով՝ այս բոյկոտի վիճակը երկար կտեւի, թե՛ մտածում եք՝ քիչ-քիչ կմարի պայքարը:

-Ես կարծում եմ, որ այն մարդիկ, որոնք բողոքում են, եթե հաշվարկ անեն իրենց ընտանիքի մասով՝ 1, 2, 3 տրանսպարենտ փոխելու պարագայում ո՞ր փաթեթն է ավելի հարմար իրենց մի կետից մյուս կետը հասնելու համար, գուցե պարզվի՝ ավելի հարմար է անսահմանափակ փաթեթներ գնել, օգտվել զեղչային համակարգերից: Այս ամբողջ բարեփոխման իմաստը տոմսային համակարգն է, ոչ թե 150 դրամը:

Զրուցեց ՍՈՆԱ ԳՐԻԳՈՐՅԱՆԸ



ՔԱՂԱՔԱՊԵՏԻ ԹԵԿՆԱԾՈՒ



Որոշում ունեւ կայացրած: Մասնակցելու եմ Գյումրու քաղաքապետի ընտրություններին, իսկ կոնկրետ ձեռնարկի հետ կապված մոտ օրերս հստակ հայտարարություն կանեմ, թե ինչ ձեռնարկով կմասնակցեմ: Այս մասին, ասել է «Պատիվ ունեւ» խմբակցության պատգամավոր Մարտուն Գրիգորյանը: «Չեթթական ընտրություններն են, նորմալ ընտրություններ են լինելու, գյումրեցիները որոշելու են իրենց քաղաքապետին, ես խնդիր չեմ տեսնում:

Բոլորի հետ բանակցություն կա՝ բացի իշխանությունից: Ոչ մի քաղաքական ուժ չի կարող ինձ ոչ առաջարկել, ոչ համոզել, ոչ էլ պարտադրել, որոշումն իմն է»,- ասել է Գրիգորյանը:

ՍՈՒՎԵՐԵՆ ԻՐԱՎՈՒՆՔ

Ռուսաստանի նախագահի մամուլի քարտուղար Ղազարյանի մեկնաբանել է Յայաստանի խորհրդարանի կողմից Եվրամիությանն անդամակցելու գործընթաց սկսելու մասին նախագծին հավանություն տալու փաստը: Ինչպես հայտնում է ՏԱՍՍ գործակալությունը, Պետկոմն ասել է, որ դա Յայաստանի սուվերեն իրավունքն է: «Ռա Յայաստանի սուվերեն իրավունքն է: Իհարկե, հարկավոր է, որպեսզի իրենք հայերը եւ մնացած բոլորը հասկանան, թե դա որքանով է փոխադարձ ցանկություն, ինչպես են դրան վերաբերվում եվրոպացիները: Ինչպես երեւում է, Յայաստանում կան քաղաքական գործիչներ, որոնք կարծում են, որ դեպի ԵՄ կողմնորոշումը հավելյալ դիվիդենտներ կտա երկրի եւ ժողովրդի շահերի առումով՝ հստակություն չունենալով, թե արդյոք Եվրամիությունը հետաքրքրված է դրանով»,- ասել է Պետկոմը:

Ռուսաստանի Ղազարյանի նախագահի մամուլի քարտուղարը նաեւ նշել է, որ Յայաստանը շարունակում է դիվիդենտներ ստանալ ԵԱՏՄ-ին անդամակցությունից, եւ այդ դիվիդենտներն ակնհայտ են: Յիշեցնենք, որ Յայաստանի խորհրդարանն առաջին ընթացքում ընդունել է Եվրամիությանն անդամակցելու գործընթաց սկսելու մասին օրինագիծը: Օրինագծին կողմ է քվեարկել 63 պատգամավոր, դեմ՝ 7-ը: Կողմ են քվեարկել իշխող «Քաղաքացիական պայմանագիր» խմբակցության անդամները, ընդդիմադիր «Պատիվ ունեւ» խմբակցությունը դեմ է քվեարկել, իսկ «Յայաստան» խմբակցությունը չի մասնակցել քվեարկությանը:

ՔՐԻՍՏԻՆԱ ՍՈՒՆԵՂՅԱՆ

ԳՅՈՒՄՐԻՈՒՄ ԹԵԺ Է

ԲԳ-Ի ԵՎ ՂԿ-Ի ՂԵՏ ՉԻ ՂԱՄԱԳՈՐԾԱԿՅԻ

Գյումրի ֆաղափ ավազանու ընտրությունները խոստանում են լինել հեթաբիր եւ քեժ: Ընտրություններին դայֆարելու են Գյումրու նախկին ֆաղափե Վարդան Ղուկասյանը, ԲԳ-ի կողմից ֆաղափեթի ԺԳ նշանակված Մարիկ Մինասյանը, Աժ դասգամավոր Մարտուն Գրիգորյանը: Անդրանիկ Թեւանյանի, Սուրեն Սուրենյանի ուժերը եւս հայտարարել են մասնակցության մասին: Երեւել էլ հայցնի դարձավ, որ որոշյուսեր Ռուրեն Մխիթարյանն է որոշել մենել ընտրադայֆարի մեջ՝ հեթաբիր քիմակիցներով:

ArmLur.am-ի հետ զրույցում նախկին քաղաքապետ Վարդան Ղուկասյանը նշում է՝ «Շախմատի «Ֆինտերը» էլ չեն անցնում, բոլորի շապիկները պատռվել

են, ոչինչ առաջվանը չէ, որ աչքերներս կուրացած լինի»: Յարցին, թե ինչպես է վերաբերվում թեկնածուներին եւ Ռուրեն Մխիթարյանին, որը Գյումրիում մեծ լսարան ունի եւ հայտարարել է, որ մասնակցելու է ընտրություններին, Վարդան Ղուկասյանը արձագանքեց. «Յա, ճանաչում եմ, լավ տղա է, բայց ի՞նքն էլ է առաջադրվելու, ինքն իր գործն ունի, քաղաքապետի պաշտոնը դարձրել են «պլենտուսի» մակարդակի:

Թող 100-200 հոգով մասնակցեն, տեսնենք՝ վերջում մի լավ բան կլինի՞, կհաղթի՞ Աստու ու ժողովրդի կամքը: Եթե այսքան պետության մեջ նախկին ու ներկա, հարստություններով, լրատվամիջոցներով աշխատում են իմ դեմ, գոնե որ հաղթեմ, թող ասեն՝ արի ճակատդ պաչեմ»:

Յետաքրքրվեցինք նաեւ՝ եթե որեւէ ուժ չհավաքի 50+ ձայն, ի՞նչ զարգացումներ կլինեն, ինքն արդյոք որեւէ ուժի հետ կոալիցիա կկազմի: Վարդան Ղուկասյանը բացառեց. ԲԳ-ի եւ ՂԿ-ի հետ որեւէ դեպքում չի համագործակցի: «Եթե քաղաք կառուցողը 50+ ձայն չհավաքի, ո՞վ պետք է հավաքի: Բայց սխալ է ամեն ինչում վստահ լինելը. եթե մարզիկն էլ մրցույթից առաջ ասում է՝ «Ես հաղթելու եմ», դա սխալ է, Աստված ում կամեցավ՝ նա էլ կլինի:

Ես կոչ կանեի բոլորին, որ քաղաքակիրթ ձեւով գնան պայքարի՝ առանց իրար վրա ցեխ շարտելու, ժողովուրդը կորոշի՝ ում հավատա: ՂԿ-ի ու ԲԳ-ի հետ միանշանակ կոալիցիա չեմ կազմելու, մնացածն էլ՝ կպարենք, կտեսնենք»,- ասաց Վարդան Ղուկասյանը:

ՔՐԻՍՏԻՆԱ ՍՈՒՆԵՂՅԱՆ

ԻՐԱՎԻՃԱԿ

ՓԱՍՏԱԹՈՒՂՈՑ

ԱՐԴՈՒՆԻ ԳԾՈՎ ԽՈՐՀՐԴԱԿԱՆԻ ԳՈՐԾԱՌՈՒՅԹՆԵՐԸ ԳԱՂՏՆԻ ԵՆ

ՀԱՐՑՈՒՓՈՐՉ Է ԱՐԵԼ


Իրազեկ քաղաքացիների միավորում 34 նախագահ Դանիել Իոաննիսյանը նախորդ շաբաթ՝ փետրվարի 8-ին՝ ժամը 17:00-ի սահմաններում, Երեւանի Արաբկիր վարչական շրջանի սրճարաններից մեկում հանդիպել է Քննչական կոմիտեի (ՔԿ) նախկին նախագահ Արգիշտի Քյարամյանի հետ: Զամառային տարածված տեղեկությունների՝ նա քննարկել է Զակակոռուպցիոն կոմիտեի ղեկավարի թեկնածուներից մեկի հարցը, որպեսզի Իոաննիսյանը քննության ժամանակ շատ ճշմունք չգործադրի այդ թեկնածուի նկատմամբ: ArmLur.am-ը Դանիել Իոաննիսյանից հետաքրքրվեց, թե ինչու է հանդիպել Արգիշտի Քյարամյանի հետ եւ ինչ է քննարկել նրա հետ Զակակոռուպցիոն կոմիտեի ղեկավարի ընտրությունից առաջ:

«Ես Արգիշտի Քյարամյանին ճանաչում եմ շատ վաղուց: Ինձ ամենաշատը հետաքրքրում էր քննչական կոմիտեում առկա բալային համակարգի հարցը, եւ ես հարցափորձ եմ արել նրան: Ես ցանկանում եմ առաջ տանել, որ այդ համակարգը ներդրվի նաեւ ոստիկանական համակարգում: Բայց քանի որ այդ օրը հայտնի էր նաեւ Զակակոռուպցիոն կոմիտեի նախագահի դիմորդների ով լինելը, ես հարցրեցի՝ ինչ գիտի թեկնածուների մասին: Ես ամեն օր տարբեր մարդկանց եմ հանդիպում հայտնի եւ անհայտ, եւ հետաքրքրվում եմ, թե ինչ գիտեն թեկնածուների մասին: Այսքանը», - նշեց Իոաննիսյանը:

ԳԱՂՏՆԻ ՉԷ

Իրականում Քիվեսթի փաստաթուղթը ինքը հույժ գաղտնի փաստաթուղթ չէ. եղել է Ալիեւի կողմից առաջարկ՝ փոխանակման ծրագիր: Այս մասին ասել է «Հայաստան» խմբակցության պատգամավոր Աննա Գրիգորյանը՝ անդրադառնալով ԵՄ-ին անդամակցելու գործընթացի մեկնարկի մասին նախագծին: «Քիվեսթի փաստաթուղթ է ձեւավորվել Մինսկի խմբի համանախագահող երկրների կողմից, առաջարկ է եղել, որը բանակցությունների ընթացքում դարձել է քիվեսթյան փաստաթուղթ, որի արդյունքով պետք է Լեռնային Ղարաբաղը Լաչինով դառնար Հայաստանի մաս եւ Նախիջեւանը կապ էր ստանում Ադրբեջանի հետ եւ որեւէ տեղ Մեղրի տեղանունը նշված չէ: Հիմա Լեռնային Ղարաբաղը Լաչինի միջանցքով ամբողջությամբ օկուպացված է Ադրբեջանի կողմից, դուք խոսում եք նորից Նախիջեւան-Ադրբեջան կապի տրամադրման մասին, երեկ էլ հայտարարվեց, որ անխոչընդոտ, անկանգամ կապ եք դուք պատրաստվում տալ: Դուք հասկանում եք բանակցությունների էության տարբերությունը, որտեղ ենք եղել եւ հիմա որտեղ ենք հասել: Ի վերջո, այդքան, որ խոսում եք հանձնելուց, հանձնելուց, պարզ մի բան եմ ասում, դուք Մեղրիում եղել եք: Մեղրին իր տեղում է, չէ՛, չի կորել Մեղրին: Տիկին Ղազարյան, խնդրում եմ, եկեք եւ Ձեզ տանեմ Քոչարյանի հանձնած Մեղրին, Դուք ինձ տարեք Լեռնային Ղարաբաղ, Ձեր պահած Լեռնային Ղարաբաղը», - հայտարարել է նա:

1 ⇨ Հրադարակման մեջ ԱԺ նախագահի թիմակիցներին խոցել էր հասկալու «արդուկի գծով խոհրդական Սեփեն Հայրապետյան» ձեռնարկումը, որի առնչությամբ ստիպված եղանք առանձին հարցում ուղարկել:



Մեր հարցման պատասխանը

- Աշխեն Հայրապետյանը, որը գրեթե բոլոր գործողությունների ժամանակ ուղեկցում է Ալեն Սիմոնյանին, կոնկրետ ի՞նչ գործառույթ է իրականացնում:
- Ինչո՞ւ է ներկայացվել, թե որպես խորհրդական, Աշխեն Հայրապետյանը մինչ օրս քանի՞ խորհուրդ է տվել Ալեն Սիմոնյանին, որո՞նք են եղել դրանք, եւ ինչպե՞ս է այդ խորհուրդները կիրառել ԱԺ նախագահը (ներկայացվել ամբողջական ցանկով):



• ԶՊ-ական պատգամավորները «Ժողովուրդ» օրաթերթին պատմել են, որ Աշխեն Հայրապետյանը Ալեն Սիմոնյանի հագուստի արդուկի եւ կոստյումի ուսերի փոշիների հարցերով է զբաղվում: Վերջերս էլ նոր սարքավորում է ձեռք բերել՝ ուսերի փոշիները մաքրելու համար: Այս պարզ հարցադրումներին, որոնք ենթադրում էին հստակ պատասխաններ եւ պարզաբանումներ, ՀՀ ԱԺ նախագահի մամուլի խոսնակ Մովսես Հարությունյանը պատասխանել է. «Աշխեն Հայրապետյանը կատարում է ԱԺ նախագահի հանձնարարությունները եւ իր հաստիքին համապատասխան գործառույթները»: Մնացած հարցերը բարեխղճության ետալուն Ալեն Սիմոնյանը իր խոսնակի մի-

ջոցով համարել է «Տեղեկատվության ազատության մասին ՀՀ օրենքով չնախատեսված հարցում»: Թեեւ լավ կլիներ՝ իրավաբան ԱԺ նախագահը իմանար, որ իր նախկին օգնականին (ամենայն հավանականությամբ բարձր աշխատավարձ ստանալու համար) խորհրդական դարձնելուց բացի՝ պարտավոր է պատասխանել, թե ինչ գործառույթներ է իրականացնում անգամ հայեցողական այդ պաշտոնյան բացի կենցաղային հարցերից: Իհարկե, դժվար է պատկերացնել, թե Աշխեն Հայրապետյանը ինչ խորհուրդներ է տալիս Ալեն Սիմոնյանին, բայց այս անպատասխան հարցաշարը շատ հարցերի պատասխան էր արդեն: Ա. ՄՈՒՊՈՒՆՅԱՆ

ՕՐՎԱ ԽՃԱՆԿԱՐ ՄՏՈՒԳԱՅՑՏԵՐ՝ ՏՐԱՆՍՊՈՐՏՈՒՄ



Երեկ Երեւանի քաղաքապետարանի աշխատակազմի հասարակական կարգի պահպանության ծառայությունը ստուգայցեր է իրականացրել մայրաքաղաքի հասարակական տրանսպորտում: Ստուգայցեր են իրականացվել «Երեւան քաղաքում տեղական ինքնակառավարման մասին» օրենքի 56-րդ եւ 80-րդ հոդվածների հիման վրա՝ ապահովվելու Երեւանի ավագանու հաստատած կանոնների պահպանումը, ինչպես նաեւ քաղաքային բյուջե վճարվող պարտադիր այլ վճարների մուտքագրումը:

ՔՆՆԱՐԿԵԼ ԵՆ

Հայաստանի Հանրապետության պաշտպանության նախարարի տեղակալ Կարեն Բրուտյանը հանդիպել է Հնդկաստանի պաշտպանության հարցերով

պետնախարար Սանջայ Սեթի հետ: Քննարկվել են պաշտպանության ոլորտում համագործակցությանն առնչվող մի շարք հարցեր:

ՔՊ ՎԵՐՆԱԽԱՎԻՑ

ՀՀ նախկին ՄԻՊ Արման Թաթայանը հայտնել է. «ՔՊ վերնախավի համար Հայաստանի ներսում եւ Սփյուռքում մարդկանց պառակտումը եւ իրար նկատմամբ ատելությունը, քառու դարձել են իշխանության մնալու երաշխիք: Մեր մեջ այս արատավոր երեւոյթների գլխավոր սերմանողը, տարածողը ու հովանավորը ՔՊ վերնախավն է եւ ՔՊ-ի քարոզչական մեքենան: Արցախցիների հետ կապված ԱԺ նախագահի երեկվա խոսքերը դա եւս մեկ անգամ ապացուցեցին: ՔՊ-ն դրանից է սնվում, ու դա է նրան ուժ տալիս ճիշտ նույն կերպ, ինչ ադրբեջանական իշխանության համար՝ թշնամանքը հայերի նկատմամբ»:

ՆԵՐՈՂՈՒԹՅՈՒՆ Է ՊԱՀԱՆՋՈՒՄ

Արցախի Հանրապետության նախագահ Սամվել Շահրամանյանը պահանջում է ՀՀ ԱԺ նախագահ Ալեն Սիմոնյանից իրապարակային ներողություն խնդրել Արցախի տեղահանված ժողովրդից եւ զերծ մնալ արցախցիների պայքարն ու հայրենիքի պաշտպանությունը սակարկման ենթարկող որեւէ գնահատականից՝ միաժամանակ մեկնաբանել սեփական հայտարարությունը, թե ով է ում էր զանգում Արցախից ու ինչո՞ւմ բացել այսպես կոչված սահմանը: Հիշեցնենք, որ Ալեն Սիմոնյանը, ի պատասխան արցախցի լրագ-

րողի հարցի, ասել էր. «Որովհետեւ երբ որ դուք դուրս եկաք այդտեղից, անվտանգ չէր: Չնայած՝ կարելի էր մնալ ու մինչեւ վերջ պայքարել այն գեներով, որոնք Հայաստանը թողել է տվել էր, քաղաքական սատարումով, բայց դուք դուրս եկաք: Պետք էր կռվել»: Լրագրողի դիտարկմանը, որ մարդիկ մոռոթում էին, Սիմոնյանը կրկնեց. «Պետք էր կռվել: Պետք էր կռվել: Հայաստանը կռվել է, պետք էր կռվել»:

ՀԵՌԱՆԿԱՐ ՉՈՒՄԻ

«Մենք մեկնարկում ենք մի գործընթաց, որը տեսանելի ապագայում որեւէ հեռանկար չունի, եւ բոլորս դա հասկանում ենք»: այս մասին, ԱԺ-ում ԵՄ-ին Հայաստանի անդամակցելու գործընթացի մեկնարկի մասին օրինագծի քննարկման ժամանակ հայտարարել է «Հայաստան» խմբակցության պատգամավոր Արմեն Ռուստամյանը: «Այսինքն՝ մենք մեզ փորձում ենք տանել այն ժամանակները, որ արդեն ԵՄ-ում ենք, տեսե՛ք՝ ԵՄ-ն ինչ լավ տեղ է: Դրանով փորձում ենք ինքներս մեզ համոզել, որ այս գործընթացը մեզ օգտակար է լինելու, բերելու է շատ լավ արդյունքներ: Երբ ասում ենք՝ Հայաստանը տարբեր միջազգային կառույցների մեջ է, դրանք իրար հետ համատեղելի չեն, ասում են՝ հիմա չի այդ հարցը, հիմա հո չէ՛նք ասում, որ ԵՄ անդամ ենք: Այ, երբ ԵՄ անդամ կլինենք, այդ ժամանակ կորոշենք՝ որտեղ ենք գնում: Այսինքն՝ մենք նպատակով, որը բոլորի համար վարդագույն երազներ է առաջացնում, արդարացնում ենք գործընթացը, որը խիստ խոցելի է: Առնվազն երեք առումով դա մեզ համար առաջացնելու է լրջագույն խնդիրներ», - ասել է նա:

ԲԱՆԱԿԻՑ ԳՈՐԱՆՈՒՄ ԵՆ

ՀՐԱՄԱՆԱՏԱՐԻՑ ՄԻՆՉԵՎ ՎԱՐՈՐԳ ՄԵՂԱԳԻՎՈՒՄ ԵՆ

ArmLur.am-ին հայտնի դարձավ, որ Մրամ Առաքելյանին մեղադրանք է առաջադրվել այն բանի համար, որ նա, հանդիսանալով դաժնորեն անհարգաբարեցիտ և անարար, զբաղեցրել է իր գործունեության 2-րդ հրաձգային գումարսակի հրամանատարի դաժնորեն, ի թիվս այլնի, կրելով գումարսակի սոցառագինության, ռազմական սեխնիկայի և գումարսակի նյութական մյուս միջոցների վիճակի և անվտանգության համար ղեկավարության հարցում, 2024 թվականի օգոստոս ամսից մինչև 2024 թվականի նոյեմբեր ամիսն ընկած ժամանակահատվածում, մեկ միասնական դիտարկությամբ, նույն գումարսակի նյութատեխնիկական աղանդվածն զստակի ավտոմեքենային ջոկի վարորդ, դայմանագրային զինծառայող, սերժանտ Նվեր Գավիթի Պողոսյանի և նույն գումարսակի 7-րդ հրաձգային վաճառքի աջակցման ջոկի հրամանատար, ավագ ենթաստորա Գոռ Վալերիի Ոսկանյանի օժանդակությամբ, յուրացման եղանակով հափշտակել է ի դաժնորեն իրեն փաստացի վստահված, ընդհանուր՝ 598.740 ՀՀ դրամի 1.200 լիտր դիզելային վառելիք:



կավայրի բնակիչ, ՀՀ ՊՆ զորամասի աշխարհագրային վաշտի պայմանագրային զինծառայող, շարքային Հրայր Առաքելյանին վաճառելու նպատակով՝ Նվեր Պողոսյանին ամրակցված «Ուրալ 4320» մակնիշի ավտոմեքենայով, վերջինիս հետ նույն օրը տեղափոխել են Հրայր Ասատրյանի՝ խաչիկ բնակավայրի Կենտրոնական փողոցի 8 հասցեում գտնվող առանձնատուն: Գոռ Վալերիի Ոսկանյանին մեղադրանք է առաջադրվել այն բանի համար, որ նա, հանդիսանալով ՀՀ ՊՆ զորամասի պայմանագրային զինծառայող, 2-րդ հրաձգային գումարսակի 7-րդ հրաձգային վաշտի աջակցման ջոկի հրամանատար, նույն զորամասի 2-րդ հրաձգային գումարսակի հրամանատար Արամ Առաքելյանի դրոմամբ՝ հիշյալ զորամասի պայմանագրային զինծառայող, 2-րդ հրաձգային գումարսակի նյութատեխնիկական դասակի վարորդ Նվեր Պողոսյանի հետ 2024 թվականի նոյեմբերի 20-ին՝ ժամը 20:00-ից 21:00-ն ընկած ժամանակահատվածում, հափշտակել է Վայոց ձորի մարզի Արենի համայնքի խաչիկ բնակավայրի՝ ՀՀ ՊՆ զորամասի պահպանության տեղամասում գտնվող ամրացման շրջանի դիզելային ագրեգատի աշխատանքը կազմակերպելու համար նախատեսված եւ ՀՀ ՊՆ զորամասի 2-րդ հրաձգային գումարսակի հրամանատար Արամ Առաքելյանին վստահված ու նույն գումարսակի ավտոմեքենային 2024 թվականի նոյեմբերի 20-ին՝ ժամը 20:00-ից 21:00-ն ընկած ժամանակահատվածում, հափշտակել է Վայոց ձորի մարզի Արենի համայնքի խաչիկ բնակավայրի՝ ՀՀ ՊՆ զորամասի պահպանության տեղամասում գտնվող ամրացման շրջանի դիզելային ագրեգատի աշխատանքը կազմակերպելու համար նախատեսված թվով 2 հատ 200 լիտրանոց տարաներով, ընդհանուր՝ 400 լիտր տարողությամբ դիզելային վառելիքն ու այն 120.000 ՀՀ դրամ գումարով խաչիկ բնակավայրի բնակիչ, ՀՀ ՊՆ զորամասի աշխարհագրային վաշտի պայմանագրային

զինծառայող, շարքային Հրայր Առաքելյանին վաճառելու նպատակով՝ Նվեր Պողոսյանին ամրակցված «Ուրալ 4320» մակնիշի ավտոմեքենայով, վերջինիս հետ նույն օրը տեղափոխել են Հրայր Ասատրյանի՝ խաչիկ բնակավայրի Կենտրոնական փողոցի 8 հասցեում գտնվող առանձնատուն: Հրայր Ասատրյանին մեղադրանք է առաջադրվել այն բանի համար, որ նա, հանդիսանալով ՀՀ ՊՆ զորամասի աշխարհագրային վաշտի պայմանագրային զինծառայող, շահադիտական նպատակներից ելնելով, այն է՝ շուկայական արժեքից ցածր արժեքով դիզելային վառելիք գնելու նպատակով, 2024 թվականի նոյեմբերի 20-ին՝ ժամը 20:00-ից 21:00-ն ընկած ժամանակահատվածում, նախապես չխոստացված պայմաններում, 120.000 ՀՀ դրամ գումարով ձեռք է բերել հանցավոր ճանապարհով ստացված, այն է՝ նույն զորամասի 2-րդ հրաձգային գումարսակի հրամանատար Արամ Առաքելյանին վստահված ու նույն զորամասի զինծառայողներ Նվեր Պողոսյանի ու Գոռ Ոսկանյանի օժանդակությամբ Արամ Առաքելյանի կողմից հափշտակված Վայոց ձորի մարզի Արենի համայնքի խաչիկ բնակավայրի՝ ՀՀ ՊՆ զորամասի պահպանության տեղամասում գտնվող ամրացման շրջանի դիզելային ագրեգատի աշխատանքը կազմակերպելու համար նախատեսված թվով 2 հատ 200 լիտրանոց տարաներով, ընդհանուր 400 լիտր տարողությամբ դիզելային վառելիքը: ԸՆԴՈՒՄ ԿԱՆՈՒՄ

ՔՐԵԱԿԱՆ ԶՐՈՆԻԿՈՆ

ԱՊՕՐԻՆԻ ՄԻԳՐԱՑԻԱՅԻ ԳԵՊԵՐ



Հայաստանի Հանրապետության ազգային անվտանգության ծառայությունում ստացված օպերատիվ տվյալների հիման վրա ձեռնարկված օպերատիվ-հետախուզական միջոցառումների արդյունքում բացահայտվել է Հայաստանի Հանրապետությունից դեպի Եվրոպա ապօրինի միգրացիայի կազմակերպման դեպք: «Մասնավորապես, պարզվել է, որ Երեւան քաղաքում գործող տուրիստական գործակալություններից մեկի սեփականատեր և տնօրեն Ա.Գ.-ն և նույն ընկերության աշխատակից Ե.Խ.-ն, նախնական համաձայնությամբ, խմբի կազմում շահադիտական նպատակով՝ 3300 Եվրո գումարի դիմաց, օտարերկրյա պետություն մուտքի եւ օտարերկրյա պետությունում գտնվելու պատշաճ թույլտվություն ստանալու համար կեղծ փաստաթուղթ եւ կեղծ տեղեկություններ կայացնելով, կազմակերպել են Տավուշի մարզի բնակչուհի Ա.Թ.-ի անօրինական միգրացիան: Ձեռնարկված օպերատիվ-հետախուզական միջոցառումների արդյունքում ստացված փաստական տվյալների հիման վրա առերեսությամբ հանցանքի մասին հարդորում է ներկայացվել Հայաստանի Հանրապետության Քննչական կոմիտե պետության, սահմանադրական կարգի հիմունքների եւ հասարակական անվտանգության դեմ ուղղված հանցագործությունների ընկալման գլխավոր վարչություն: Միեւնույն ժամանակ, հանցանք կատարած լինելու անմիջականորեն ծագած հիմնավոր կասկածի առկայության հիմքով, Ա.Գ.-ն և Ե.Խ.-ն ձերբակալվել են և ներկայացվել նախաքննական մարմին: Դեպքի առթիվ Հայաստանի Հանրապետության ՔԿ-ում Հայաստանի Հանրապետության քրեական օրենսգրքի 470-րդ հոդվածի 3-րդ մասի 1-ին կետի եւ 457-րդ հոդվածի 2-րդ մասի հետևանքով ձերբակալվել է քրեական վարույթ, որի շրջանակներում անօրինական միգրացիայի կազմակերպիչներից Ե.Խ.-ն կալանավորվել է, իսկ Ա.Գ.-ի նկատմամբ որպես խափանման միջոց կիրառվել է տնային կալանքը: Բացի այդ, քրեական վարույթով կալանավորված անձանց բնակարաններում եւ աշխատավայրում իրականացված խուզարկությունների արդյունքում հայտնաբերվել են վերցվել են ծննդյան վկայականների, անձնագրերի, բանկային փոխանցումների վերաբերյալ քաղվածքների պատճեններ, համակարգիչներ, էլեկտրոնային կրիչներ, կնիքներ, տարբեր անձանցից գումարներ ստանալու վերաբերյալ գրառումներ պարունակող նոթատետր եւ այլն», - ասված է հարդորագրությունում:

«ՔԻՄԻԿՆԵՐԻ» ԳՈՐԾԻ ՎԱՐՈՒՅԹԸ

«ՊԵՏՔ Է ԵՐԿԻՐԸ ՄԱՔՐԵՆՔ», ԱՆՂԵՏ ԿՈՐԱԾԻ ՀԱՅԻ

Էջմիածնի «Քիմիկների» գործադիր անհետ կորած զինծառայողների գործով հակակոռուպցիոն դասարանում տեղական ժամանակ է՝ հարցաքննվում են անհետ կորած կամ զոհված զինծառայողների ծնողները, ինչպես նաև վկաները, իսկ այդ գործով մեղադրյալներ են ԳՇ ղեկի նախկին տեղակալ Անդրանիկ Մակարյանը, և գործադիր այլ դաժնորեն:

Նշենք, որ ՀՀ ՔՕ 376 հոդվածի 3-րդ մասը սահմանում է անփույթ վերաբերմունք ծառայության նկատմամբ. սույն հոդվածի առաջին կամ երկրորդ մասով նախատեսված արարքները, եթե դրանք կատարվել են ռազմական դրության, պատերազմի ժամանակ կամ մարտի պարագաներում, պատժվում են ազատազրկմամբ՝ չորսից ութ տարի ժամկետով: Անդրանիկ Մակարյանի նկատմամբ խափանման միջոց է ընտրվել ստորագրությունը՝ երկրից չհեռանալու մասին: ArmLur.am-ը գրուցել է «Քիմիկների» գործադիր անհետ կորած զինվոր

Ալբերտ Մելքոնյանի հոր՝ Մելիք Մելքոնյանի հետ: Ըստ նրա՝ պետք է հեղափոխություն անել, որպեսզի երկիրը մաքրեն իշխանություններից: «Խաղաղություն չի լինի, թուրքեր հետ երբեք չի կարելի է խաղաղությունից խոսել: Պետք է երկիրը մաքրենք էս ժեխերից: Դատական նիստը շատ երկար է տևում: Աբազյանը հանդիպել է Ադրբեջանի ազգային անվտանգության ծառայության-ի տնօրենի հետ, իրենք խոսակցություն են ունեցել, բայց մեզ ոչ մի բան չեն տեղեկացնում», - ասել է նա: Ը. ՄԱՆՈՒԿՅԱՆ

● Ըստ ոստիկանության տվյալների՝ փետրվարի 11-ից 12-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 136 դեպք, որից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԵՐԵՐՈՐԳ ՓՈՐՉԻՑ ԳՏԵՎԵՑ

Տավուշի մարզպետարանը մրցույթ էր հայտարարել մարզում 1410 կովերի արհեստական սերմավորման համար: Մրցույթն անցկացվել էր Կառավարության 2024 թվականի օգոստոսի 22-ի N 1392-L որոշմամբ հաստատված՝ «Մթերատվության բարձրացման փորձնական ծրագրի» շրջանակներում: Ծրագրով նախատեսված է յուրաքանչյուր կովի սերմավորման համար սերմավորողին փոխհատուցել 10 հազար դրամ (5 հազար դրամը կվճարի անասնատերը): Մրցույթին կարող էին մասնակցել այն կազմակերպությունները, որոնք ունեն տվյալ ոլորտում գործունեություն իրականացնելու առկա մեկ տարվա փորձ եւ համապատասխան գործունեությամբ զբաղվելու հավաստագիր ունեցող մասնագետներ, նաեւ ունեն վարկային դրական պատմություն: Հայտերի ընդունման վերջնաժամկետն էր 2024թ. դեկտեմբերի 12-ը: Սակայն մրցույթը չկայացավ, որովհետեւ մասնակիցներ չեղան: Մարզպետարանը նոր մրցույթ հայտարարեց: Տավուշի մարզպետ Հայկ Ղալումյանին հարցում ենք արել, թե որ կազմակերպությունն է հաղթել մրցույթում: Մարզպետարանից պատասխանել են. «Պետական աջակցության ծրագրերի շրջանակներում կովերի արհեստական սերմավորման վերաբերյալ մրցույթում հաղթող է ճանաչվել Ա/Ձ Դավիթ Նավասարդյանը: Պայմանագրի կնքման աշխատանքներն ընթացքի մեջ են»: Այս տարվա վարկարկին պարզ կլինի, թե նշված կազմակերպությունը ինչպես է կատարել իր պայմանագրային պարտավորությունները, կովերի արհեստական սերմավորման ծրագիրը որքանով է արդյունավետ եղել:

ՎԱՐՉԱՎՃԱՐԻՑ ԱԶԱՏՎԱԾ ԶԵՆ

Նոյեմբերյան համայնքի ավագանու որոշմամբ՝ համայնքի բոլոր բնակավայրերի՝ Նոյեմբերյան, Այրում քաղաքների եւ 17 գյուղերի մանուկները այս տարի մանկապարտեզներ կհաճախեն անվճար՝ համայնքի բյուջեի հաշվին: Դիվիզան համայնքի ավագանին 2025թ. հունվարի 10-ին որոշել է Դիվիզանի համայնքապետարանի ենթակայությամբ գործող նախադպրոցական ուսումնական հաստատությունների սաների ուսման վարձավճարների նկատմամբ 2025 թվականի համար սահմանել արտոնություն՝

- 1) Միեւնույն ընտանիքից 2 եւ ավելի երեխաներ հաճախելու դեպքում՝ յուրաքանչյուր երկրորդ եւ հաջորդ երեխաների համար ուսման վարձավճարի 50 %-ի չափով,
- 2) Միակողմանի ծնողազուրկ երեխաների համար՝ ուսման վարձավճարի 50 %-ի չափով,
- 3) Երկկողմանի ծնողազուրկ երեխաներին ազատել ուսման վարձավճարից,
- 4) Արցախից բռնի տեղահանված ընտանիքների երեխաներին ազատել ուսման վարձավճարից:

Դիվիզան համայնքի 2025թվականի բյուջեն եկամուտների եւ ծախսերի գծով կազմում է 1 միլիարդ 750 միլիոն դրամ. Դիվիզանը ֆինանսական ավելի մեծ հնարավորություններ ունի մանկապարտեզների սաներին ազատելու վարձավճարները՝ քան Նոյեմբերյանի համայնքապետարանը:

ՈՍԿԱՆ ՍԱՐԳՅԱՆ Տավուշ

ՊԱՏՈՒԹՅԱՆ ՀԵՏԵՐՈՎ

ՄԱՆԿԱՊԱՐՏԵԶԻ ԸՆԹՈՒՅԼՏՎՈՒԹՅՈՒՆԸ ԴԱԴԱՐԵՑՎԵԼ Է

ArmLur.am-ը տեղեկացել է, որ Արմավիրի մարզի Մեծամոր համայնքում առաջույսները խաղաղ չեն: Պարզվում է՝ Մեծամոր համայնքի ղեկավարի առաջին տեղակալ Էդգար Հովհաննիսյանը կարողացել է այնպես անել, որ մի ընկերության կողմից իրականացվող մանկապարտեզի հիմնադրման դայմանագիրը միակողմանի չեղարկվի:

**Իսկ ինչպես է սկսվել պատմությունը**  
Եվ այսպես, ArmLur.am-ին քաղաքացի Վահագն Ղալումյանը պատմել է, որ իր եւ կնոջ կողմից ղեկավարած «Տուրիստա» ընկերությունը, որպես շինարարական ընկերություն, «տեղեր» է շահել Արմավիրի մարզի Մեծամոր համայնքում կառուցելու թիվ 2 մանկապարտեզը:

«2023 թվականի մարտի 14-ից սկսել եմ մանկապարտեզի կառուցման աշխատանքները: Ժամկետը 2 անգամ հետաձգվել է, բայց վերջնականը պետք է 2024 թվականի նոյեմբերի 1-ին՝ կառավարության որոշմամբ, ավարտվեր, իսկ դրանից հետո մեկ անգամ ես բոլոր սուբվենցիոն ծրագրերը հետաձգել եմ մինչեւ 2025 թվականի նոյեմբերի 1-ը»,- ArmLur.am-ին պատմել է Վահագն Ղալումյանը:

Ղալումյանի խոսքով՝ Մեծամոր համայնքի ղեկավարի առաջին տեղակալ Էդգար Հովհաննիսյանը լարված է եղել իր դեմ, քանի որ, ըստ իր տեղեկությունների, Հովհաննիսյանը վաղուց նպատակ է ունեցել, որ այդ մանկապարտեզի կառուցումն իրականացնեն իր ծանոթները:

«Բոլորն ինձ զգուշացնում էին, որ քո հետ լարված է, ասում էր՝ Վահագից գործը վերցնում ենք, ես անձամբ իրենց էլ ասել եմ, որ նման բան չկա, սուտ եք ասում, բայց պարզվեց՝ սուտ չէին ասում: Կոնկրետ չեմ կարող ասել, թե լարվածությունն ինչից սկսվեց, բայց արդեն պարզ էր, որ ընկած են իմ հետեւից: Ամեն օր 5 անգամ իրենց գործերը թողած՝ գալիս էին ու աշխատողներին ստուգում էին: Տեսուչ Սարգիս ամեն օր գործի գնալիս գալիս էր, աշխատողներին հաշվում, նայում ինչ գործ են անում, կոֆե են խմում, ես էլ կատակով իրենց ասել եմ՝ կարո՞ղ է աշխատանքի տեսչությունից եք, որ ամեն օր գալիս այդ մարդկանց ստուգում եք»,- պատմել է Ղալումյանը:

Վահագն Ղալումյանը «Ժողովուրդ»-ի հետ զրույցում ասել է, որ շինարարական նախագծում շեղումներ են եղել, որոնց մասին ինքը զգուշացրել է, սակայն ստացել են աշխատելու հորդոր:

«Երբ շինարարական պրոցեսները գնացին, նախագծում շեղումներ նկատեցին, որոնց մասին ես իրենց զգուշացրել էի նախօրոք, նամակներ էլ ենք ուղարկել, ասել են՝ աշխատեք: 10 տոկոսի շեղում



էր, պատեր կային՝ քանդված էին, տված չէր՝ ինչով վերանորոգեցինք, պատուհանները քիչ էին նախագծած: Թույլատրելի են դրանք, բայց մենք զգուշացրել ենք իրենց, որ սխալ են»,- նշել է Ղալումյանը: Եզրափակելով խոսքը՝ Ղալումյանն ասել է, որ արդեն սեպտեմբերի 9-ին իրեն նամակով տեղեկացրել են, որ միակողմանի լուծարել են պայմանագիրը, որի գլխավոր մեղավորը Էդգար Հովհաննիսյանն է:

«Սեպտեմբերի 9-ին նամակով ուղարկել են լուծարման մասին թե՛ բանկին, թե՛ մեզ, որ ձեր պայմանագիրը 287 միլիոնից 200-ն արված է, իսկ մնացած 87 միլիոնը կսեղնել ենք եւ բանկից երաշխիքները բռնագանձել են»,- եզրափակեց Ղալումյանը:

«Ժողովուրդ»-ը կապ է հաստատել նաեւ Արմավիրի մարզի Մեծամոր համայնքի ղեկավարի առաջին տեղակալ Էդգար Հովհաննիսյանի հետ: Հովհաննիսյանը մեզ հետ զրույցում հայտարարեց, թե որտեղ է տրամադրվածություն չի ունեցել. շինարարական պրոցեսը կանգ է առել, ինչի համար համայնքապետարանը որոշել է դադարեցնել աշխատանքները:

«2022 թվականի սուբվենցիոն ծրագիր է: Շինաշխատանքները սկսվեցին, որոնք բավականին արագ ու լավ տեմպով ընթանում էին: Մենք՝ որպես համայնքի ներկայացուցիչ, անընդհատ ստուգում էինք, կար դրա հետ կապված հանձնաժողով, որը շարքավա մեջ մի քանի անգամ գնում եւ շինաշխատանքներին հետետում էին: Մի ընթացք եկավ, երբ շինարարության տեմպը նվազեց: Տեսնի նվազելուց հետո սկսվեցին բողոքները: Շինարարության ընթացքում արված աշխատանքը կատարողականի միջոցով հանձնվում էր համայնքին, կատարողականը ստուգում էր, բոլորը գոհ էին՝ թե՛ շինարարները, թե՛ տեխսկորը, թե՛ հանձնաժողովը: Կատարողականի հիման վրա գումարը փոխանցվում էր տվյալ կազմակերպությանը: Դրանից հետո մենք ընդհանրապես գործ չունենք՝ ինքն այդ գումարով իր աշխատողներին կվճարի, թե ինչ-որ նյութ կզկնի»,- հայտարարել է Հովհաննիսյանը:

Վերջինս ArmLur.am-ի հետ զրույցում նշել է, որ մանկապարտեզի աշխատանքները կտրուկ դադարեցվել են, եւ ոչ մի շինաշխատանք չի կատարվել, ու մանկապարտեզի շենքում ամիսներ շարունակ եղել է միայն հսկիչը:

«Հանձնաժողովը թե՛ միդեռնոլովակով, թե՛ լուսանկարներով նկարահանել է, որ մանկապարտեզի դարպասները փակ են, շինաշխատանքները դադարեցված են, եւ այնտեղ միայն պահակն է եղել: Երբ գնացել ենք, միայն պահակն է եղել: Բազմաթիվ անգամներ գրություններ են ուղարկվել Վահագն Ղալումյանին համայնքի կողմից, թե երբ կսկսվեն մանկապարտեզի աշխատանքները, ասել է՝ ամսի մեկով, ամսի հինգով, երկուշաբթի: Ամիսներ շարունակ ձգձգել է այդ պրոցեսը, համայնքն էլ որոշում է կայացրել դադարեցնել աշխատանքը»,- նշել է Հովհաննիսյանը:

Ի դեպ, Վահագն Ղալումյանը դատի է տվել Մեծամոր համայնքին, քանի որ առանց իրենց տեղեկացնելու՝ միակողմանի լուծարել են պայմանագիրը: «Ժողովուրդ»-ի գրուցակիցը նշեց, որ իր ընտանիքը երեք բնակարան է գրավադրել, որ կարողանան մանկապարտեզի շինաշխատանքները իրականացնել, սակայն այսօր հայտնվել է նման իրավիճակում:

Ս. ԳՐԻԳՈՐՅԱՆ

ԱԲԽԱԶԻԱՅԻ ՀԱՅ ՀԱՄԱՅՆՔ

ՀԱՅԵՐԻՆ ՀԵՏԱՊՆԴՈՒՄ ԵՆ

**Աբխազիայի հայ համայնքը դիմել է Հայաստանի կառավարությանը՝ հայ բնակչության դաժնամարտից համար լրացուցիչ միջոցներ ձեռնարկելու դիմումով:**

Այնուամենայնիվ, աբխազահայերը կարծում են, որ տեղի քաղաքական ընդդիմությունը սերտ կապեր ունի թուրք ազգայնականների եւ թուրքական

զաղտնի ծառայությունների հետ: Արդյունքում, աճող ճնշումների ներքո ընդդիմությունը տեղի հայերին դիտարկում է որպես թուրքիայի աջակցությամբ իշխանությունը զավթելու խոչընդոտ եւ կազմում է «սեւ ցուցակներ»՝ նրանց դեմ սադրանքներ նախապատրաստելու համար:

Դիմումի հեղինակները մտահոգություն են հայտնում նաեւ հայ համայնքի

դեմ հնարավոր ջարդերի եւ բռնությունների վերաբերյալ:

Ըստ լրատվամիջոցների՝ հայերի հետապնդման հիմնական նախաձեռնողներն են Աբխազիայի ինքնիշխանության պաշտպանության կոմիտեի նախագահ Լեւան Միկայան եւ Աբխազիայի Ժողովրդական շարժման նախագահ, հանրապետության նախագահի թեկնածու Ադգուր Արծիւբեկ:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 14 պատահար. 17 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏՆՏԵՍԱԿԱՆ

ՎՃԱՐՈՒՄ ԵՆՔ ՄԵՐ ԳՐՊԱՆԻՑ

Հայաստանում առողջապահական ծախսերի 79%-ը վճարվում է մեր գրպանից: Այս մասին հայտնել է տնտեսագետ Ադասի Թավադյանը: Նա, մասնավորապես, նշել է. «Գիտե՞ք, որ Հայաստանում առողջապահական ծախսերի 79%-ը վճարվում է մեր գրպանից...»

Համեմատության համար՝ ԱՄՆ-ում՝ 20% Եվրոպայի մեծ մասում՝ 10-20% Հայաստանում՝ 79%:

Մենք նույն մակարդակի վրա ենք Թուրքիայի (79%), Աֆղանստանի (78%) և Նիգերիայի (76%) հետ: Այս քարտեզը ցույց է տալիս, թե ինչքան են մարդիկ իրենց գրպանից վճարում առողջապահության համար տարբեր երկրներում: Հետաքրքիրն այն է, որ ԱՄՆ-ում, որտեղ բուժումը շատ ավելի թանկ է, քան նույնիսկ Եվրոպայում, մարդիկ ավելի քիչ տոկոս են վճարում իրենց գրպանից: Պատճառը՝ ապահովագրական համակարգն է: Սա ցույց է տալիս, թե ինչքան կարելի է մեր երկրում առողջապահական համակարգի բարեփոխումները և ապահովագրական համակարգի ներդրումը»:

220 ՀԱԶԱՐ ԱՆՆՈՒՄԱԼԻ ՎԱՐԿԱՌՈՒ

Ըստ Հայաստանի Հանրապետության աշխատանքի և սոցիալական հարցերի փոխնախարար Դավիթ Խաչատրյանի՝ Հայաստանում կա մոտ 220 հազար անհուսալի վարկ ունեցող մարդ՝ չբացառելով, որ այդ ցուցանիշը կարող է աճել: Նրա գնահատմամբ՝ այս թվի մոտ 60 տոկոսը կարող է դառնալ ծրագրի շահառու: Պաշտոնյան հիշեցրել է, որ աջակցության ծրագրից կարող են օգտվել նրանք, ովքեր վարկային պարտավորություններ ունեն Կենտրոնական բանկի կողմից լիցենզավորված բանկերում և վարկային հաստատություններում, բոլոր վարկերի գծով մայր պարտքի ընդհանուր գումարը հայտի օրվա դրությամբ կազմում է 1 մլն դրամից պակաս, և այդ վարկերը առնվազն 3 տարի համարվել են անհուսալի: Նա պարզաբանել է, որ եթե մարդն ունի 271 և ավելի օրերի չսպասարկվող վարկ, ապա այս վարկը համարվում է անհուսալի, իսկ եթե այս ժամկետից անցել է առնվազն 3 տարի, ապա պետությունը կարծում է, որ պետք է օգնի նման քաղաքացիներին:

Հիշեցնենք, որ Հայաստանում փետրվարի 1-ից մեկնարկել է անհուսալի վարկեր ունեցող քաղաքացիներին աջակցելու ծրագիրը, և 1 000 մարդ արդեն դարձել է շահառու:

ՀԱՅՏԱՐԱՐՈՒԹՅՈՒՆ

Ես Ռուբինա Կարենի Սուքիասյանս, կորցրել եմ AB 196431 համարի բակավարի դիպլոմս՝ տրված 2014 թվականին Երեւանի պետական համալսարանի կողմից:

Գտնողին խնդրում եմ զանգահարել 094 627 067 հեռախոսահամարով:

ՄՏԱՅԻՆՈՒԹՅՈՒՆՆԵՐ

ԴԵՄ՝ ԿԱՌԱՎԱՐՈՒԹՅԱՆ ՈՐՈՇՄԱՆԸ

Փիսուժ նախաձեռնությունն իր անհամաձայնությունն է հայտնել ԳՀՓՄ (գիտահետազոտական և փորձարարական մեակումներ) աշխատանքները որդես այդդիսին որակող մասնագիտական հանձնաժողով ձևավորելու մասին ՀՀ կառավարության որոշման նախագծի որոշ դրույթների վերաբերյալ:



Առկա են մի շարք հիմնարար խնդիրներ՝ ինչպես գործընթացի, այնպես էլ առաջարկվող կառուցվածքային լուծումների առումով: Գործընթացի հետ կապված մտահոգություններ կան:

ՀՀ կառավարության գործելաոճը թե՛ օրենսդրական փոփոխությունների, թե՛ առկա կարգավորման մշակման փուլերում խնդրահարույց է եղել: Չնայած ՀՀ վարչապետի մոտ կայացած հանդիպման ընթացքում ձեռք բերված համաձայնությանը՝ կառավարությունը չի ապահովել մասնավոր հատվածի շահագրգիռ կողմերի ներգրավվածությունը գործընթացի սկզբնական փուլում և դրա փոխարեն քննարկման է ներկայացրել արդեն պատրաստի նախագծեր: Մենք գնահատում ենք ՀՀ Բարձր տեխնոլոգիական արդյունաբերության նախարարության հետ ընթացող քննարկումները և նրանց պատրաստակամությունը՝ լսելու մեր դիտարկումները, սակայն առկա ձեռաչափերը չեն ապահովում փաստարկված դիրքորոշման ներկայացման և որոշումների վրա իրական ազդեցություն ունենալու արդյունավետ հնարավորություն:

Նման գործընթացը խոչընդոտում է բովանդակային երկխոսությանը և սահմանափակում է բանիմաց շահառուների ներգրավման հնարավորությունները: Այս մասին են վկայում նաև գործարար համայնքի ներկայացուցիչների արտահայտած հանրային դիրքորոշումները:

Կառուցվածքային և ինստիտուցիոնալ մտահոգություններ

Պետական ԳՀՓՄ քաղաքականությունը չի կարող իրագործվել միայն մեկ նախարարության սահմանափակ մանդատի շրջանակում: Մենք մշտապես ընդգծել ենք, որ անհրաժեշտ է ԿԳՄՍ նախարարությունից դուրս զարգացնել պետական ինստիտուցիոնալ կարողությունները՝ խթանելու արդյունաբերական ԳՀՓՄ և ապահովելու պետության հնարավորությունը՝ պատվիրակելու կիրառական հետազոտություններ ու փորձարարական մշակումներ՝ իր անվտանգության բազմաշերտ մարտահրավերները հաղթահարելու համար:

Սակայն ներկայիս առաջարկը ներառում է դրույթներ, որոնք հակասում են այս ռազմավարական նպատակին:

Մասնավորապես, մեր հետևողական և փաստարկված առաջարկները՝ հիմնված միջազգային փորձի և ՀՀ օրենսդրության վրա, անտեսվել են: Նախատեսվում է, որ Հանձնաժողովի եզրակացությունները կհաստատի ԿԳՄՍ նախարարը, իսկ նախագահությունն ու քարտուղարությունը կվերապահվեն Բարձրագույն կրթության և գիտության կոմիտեին: Այս կառուցվածքը ԿԳՄՍ նախարարության լիազորությունների շրջանակում կենտրոնացնում է պետական ԳՀՓՄ քաղաքականության հետ առնչվող լրացուցիչ գործառնություններ, ինչը չի համապատասխանում արդյունաբերական ԳՀՓՄ-ի զարգացման պահանջներին:

ԱՐՑԱՆԻ ԹԵՄԻ ԱՐԶԱԳԱՆՔԸ

ԻՐԱԿԱՆՈՒԹՅՈՒՆԸ ԽԵՂԱԹՅՈՒՐՎՈՒՄ Է

Ցավալի է ՀՀ ԱԺ նախագահից՝ հույժ դասասխանաճու կոչում ունեցող դասընթացից այդդիսի անդաստիաբանաճու հայտարարություններ լսելը Արցախի և արցախահայության մասին: Նման անհեռաճու և հավակնոճ խոսքերը ոչ միայն չեն կարող նդասել հայրենական կյանքում առկա խնդիրների լուծմանը, մեզ օդ ու ջրի դես այդդան անհրաժեճ ազգային միասնության աղաճովմանը, այլև ճիճ հակառակը, դրանք առավելագույնս խոռացնում են մեր ժողովրդի մեջ արհեսակաճունրեն ներդրված հասվածակաճության բաճանարար գծերը:

րա գցելը և չզղջալը: Այս երեույթը ներկա է մարդկության պատմության ողջ ընթացքում և դրա հաղթահարումը հնարավոր է միայն քրիստոնեության ճանապարհով, որ սովորեցնում է առաջին հերթին տեսնել մեր մեղքը և պատասխանատու լինել մեր քայլերի համար: Արցախյան 44-օրյա պատերազմից հետո, Արցախի 9-ամսյա շրջափակման ընթացքին և 2023 թ. բռնի տեղահանումից հետո մեր ժողովրդի մի սովոր հատվածի մոտ ցավալիորեն արմատացել է մեղքը ու պատասխանատվությունը իրենցից հեռացնելու կործանարար մոտեցումը, ինչի համար հիմք են ծառայել ամենաբարձր մակարդակով բազմիցս արված նման անհեռաճու ու պառակտիչ հայտարարությունները, իսկ ԱԺ նախագահի վերջին հայտարարությունը ընդամենը թարմացումն էր վերոնշյալ մոտեցման:

Հարկ չենք համարում մանրամասն կերպով վերստին անդրադառնալու, թե 9-ամսյա շրջափակման նեղությունները կրած մեր ժողովուրդը ինչպիսի հերոսական դիմադրություն ցույց տվեց

2023 թ. սեպտեմբերի 19-ին, որովհետև, համաճայն սուրբգրային խոսքի, «Ով աչք ունի տեսնելու՝ կտեսնի», իսկ ով ցանկություն չունի իրականությունը տեսնելու, երբեք էլ չի տեսնի: Բայց ամենամեծ ցավն այն է, որ իրականությունը լավագույնս իմացող, 2023 թ. Արցախին օգնելուց պաշտոնապես հրաժարված անձինք չեն վարանում վերստին խեղաթյուրելու իրականությունը՝ նորից ու նորից աղ լցնելով հայրենագուրկ արցախցիների չսպիացած վերքերին, անտեսելով նաև 2023 թվականին նահատակված հայրուրավոր մեր տղաների սիրանքը:

Աղոթում ենք, որ Աստված իմաստություն տա մեր ժողովրդին, որպեսզի ոչինչ ու ոչ ոք պատճառ չդառնան արհեստական լարվածության ու իրար հանդեպ անհանդուրժողականության: Ինչքան որ գորանա սերը, ներողամտությունը և միասնությունը մեր հայրենիքում, այնքան ավելի շուտ կկատարվեն մեր բոլոր նվիրական իղծերն ու երազանքները, որը, վստահ ենք, որ ամեն մի հայի ցանկությունն է», - ասված է հայտարարության մեջ:

«Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:





## ՏՆՏԵՍԱԿԱՆ

**ՀԱՐՑ. Խնդրում եմ ասե՞ք ՀՀ դրամի փոխարժեքի սահմանումները ի՞նչ են ենթադրում: Ի՞նչ գործոններով են դայմանավորված այդ հանգամանքները:**  
*Ալլա Սանուկյան (34 տարեկան, օպերատոր)*



**ՊԱՏԱՍԽԱՆ.** Ազատ լողացող փոխարժեքի ռեժիմի պայմաններում ազգային արժույթի փոխարժեքը ձևավորվում է արժույթային շուկայում առկա առաջարկի ու պահանջարկի եւ դրանց փոփոխությունների ազդեցության ներքո: Եթե արտահանման աճի կամ կապիտալի ներհոսքի հետեւանքով տվյալ ազգային արժույթի շուկայում ավելանում է արտարժույթի առաջարկը, ազգային արժույթի դիրքերն անհրաժեշտաբար ամրապնդվում են: Համապատասխանաբար, ներմուծման աճը կամ կապիտալի արտահոսքը նպաստում են ազգային արժույթի դիրքերի թուլացմանը:

Փոխարժեքի փոփոխությունը կարող է լինել բավականին տեսական, երբ այն պայմանավորված է երկարաժամկետ բնույթի գործոններով (օրինակ կայուն տնտեսական աճով պայմանավորված ազգային արժույթի արժեքավորումը), կարող է կրել սեզոնային բնույթ (երբ օրինակ ներմուծման ու արտահանման սեզոնները տարբեր են) եւ կարող է լինել կարճաժամկետ, երբ այն կարճաժամկետ գործոնների (օրինակ՝ կարճաժամկետ ֆինանսական ներհոսքի կամ արտահոսքի) ազդեցության արդյունք է:

**ՀՀ կենտրոնական բանկ**

**«ԺՈՂՎՈՐԳ».** Արժույթային շուկայում առկա առաջարկն ու պահանջարկը կարող է փոփոխվել նաեւ մի շարք այլ գործոնների ազդեցության ներքո, որոնցից են, մասնավորապես, կառավարության ծախսերը, կենտրոնական բանկի ինտերվենցիաները, արժույթային կարգավորման ոլորտում օրենսդրական փոփոխությունները, էներգետիկայի գների տատանումները, բնակչության մոտ ձեւավորվող սպասումները:

Էջը՝ ԱԼՎԱՐԴ ԿՈՇԿԱԿԱՐՅԱՆԻ

## ԿԱՐԳ

**ՀԱՐՑ. Խնդրում եմ ասե՞ք, թե ի՞նչ կարգով է իրականացվում որդեգրումը, ո՞վ կարող է լինել որդեգրող, ի՞նչ փաստաթղթեր են անհրաժեշտ որդեգրման դեպքում գրանցման համար, ի՞նչ ժամկետում է կատարվում որդեգրման դեպքում գրանցումը, որքա՞ն է կազմում դեպքում սուրբի դրույքաչափը:**  
*Լիաննա Հայրապետյան (41 տարեկան, տնային տնտեսուհի)*



**ՊԱՏԱՍԽԱՆ.** Հայտնում ենք, որ որդեգրում (դատարանում) (այսուհետ՝ որդեգրումը) թույլատրվում է միայն մինչեւ 18 տարեկան անձանց նկատմամբ եւ ելնելով նրանց շահերից՝ հաշվի առնելով երեխաների լիարժեք ֆիզիկական, հոգեկան, հոգեւոր եւ բարոյական զարգացումն ապահովելու հնարավորությունները: Որդեգրումը հաստատվում է դատարանի կողմից եւ դատարանի վճիռը օրինական ուժի մեջ մտնելուց հետո որդեգրումը ենթակա է պարտադիր պետական գրանցման ԶԿԱԳ տարածքային մարմնում: Որդեգրման պետական գրանցումն իրականացնելու համար անհրաժեշտ է որդեգրողների (որդեգրողի) կամ նրանց կողմից լիազորված անձի գրավոր դիմումը (դիմումի ձեւանմուշը կարող էք ձեռք բերել Հայաստանի Հանրապետության արդարադատության նախարարության կայքից՝ www.moj.am հասցեով կամ ԶԿԱԳ մարմնից), որդեգրման մասին դատարանի՝ օրինական ուժի մեջ մտած վճիռը, որդեգրողների (որդեգրողի) անձը հաստատող փաստաթղթերը, որդեգրողների ամուսնության վկայականը, որդեգրվողի ծննդյան վկայականը:

**«ԺՈՂՎՈՐԳ».** Որդեգրողներ կարող են լինել չափահաս անձինք, բացառությամբ օրենքով սահմանված դեպքերի:

## ԼՈՒՐ ԿԱՐԴ

Լուսանկարը՝ ՀՀ առողջապահության նախարարի պաշտոնական էջից



Երեկ ՀՀ առողջապահության նախարար Անահիտ Ավանեսյանը լուսանկար էր հրապարակել սոցցանցի իր էջում: Նրա աշխատասենյակի պատին՝ հենց իր գլխավերելու, փակցված է Նիկոլ Փաշինյանի նկարը: Ինչպես ասում են՝ վարչապետը նախարարի «գլխի վերելը տեղ ունի»:

## ԲԱԺԱՆՈՐԴԱԳՐՈՒԹՅՈՒՆ

Մեր թերթը  
 Բաժանորդագրվելու  
 համար կարող եք դիմել



**«Հայկուստ» ՊՓԲԸ**  
 հեռ. 51-45-46, 51-45-47

**«Բլից-Մեդիա» ՍՊԸ**  
 հեռ. 52-5301

Առաքումը՝ ԱՆՎՃԱՐ:

Զեղ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբար ձեր բարձրագույն բոլոր խնդիրներին:

## ԱՌԱՋԱՐԿ

### հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_

Ազգանուն՝ \_\_\_\_\_

Առաքման հասցե՝ \_\_\_\_\_

Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049

0023, Արշակունյաց 2, 5-րդ հարկ, 518ս.

## ԵՂԱՆԱԿԻ ՏԵՍՈՒԹՅՈՒՆ



Շիրակ	- 7 - 12 - 3 + 2	Արարատ	0 - 5 + 1 + 4
Կոտայքի լեռներ	- 6 - 10 - 2 + 2	Արմավիր	- 3 + 1 + 4 + 6
Կոտայքի նախալեռներ	- 4 - 9 0 + 3	Վայոց ձորի լեռներ	- 4 - 7 + 2 + 4
Գեղարքունիք	- 6 - 11 - 3 + 1	Վայոց ձորի նախալեռներ	- 2 + 2 + 4 + 6
Լոռի	- 7 - 10 - 1 + 4	Սյունիքի հովիտներ	- 6 - 9 0 - 4
Տավուշ	- 3 - 6 0 + 2	Սյունիքի նախալեռներ	0 + 3 + 7 + 10
Արագածոտնի լեռներ	- 9 - 14 - 2 + 4	ԼՂՀ	0 + 2 + 7 + 9
Արագածոտնի նախալեռներ	- 1 - 3 - 1 + 5	Երեւան	- 1 - 3 + 8 + 10

Լրատվական գործունեություն իրականացնող՝  
 «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Արշակունյաց 2, հեռ.՝ 010 54-64-23  
 Պետական գրանցման վկայականի համարը՝ 03U089086  
 տրված է 24.11.2010  
 Ստորագրված է տպագրության 12.2.2025  
 Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
 խմբագրություն հանձնված նյութերը չեն գրայնաչափվում եւ  
 չեն վերադարձվում, Գ նշանով նյութերը գովազդային  
 հրապարակումներ են, որոնց համար խմբագրությունը  
 պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս  
 կամ ընթացիկ մեջբերումներ անելիս պետք է պարտադիր գրառել  
 հետևյալ նախադասությունը. «Շարունակությունը կարող էք կարդալ  
 «Ժողովուրդ» օրաթերթի այսօրվա համարում»: